

史記

320.1  
1270  
Vol 1

神情。○取骨脉。◎取綱領。  
其評法用五義。篇首有表。  
發。中有註論。尾有總批。自  
頂及菊。互有斷制。要其是。  
非。予奪俱于諸家評唾之。

外。另着手。眼使前人心術。  
行。事。捐。其。成。敗。污。潔。之。案。  
一。一。俯。而。就。乎。吾。之。深。識。  
或。片。言。提。掇。或。連。章。反。復。  
總。以。尖。鋒。冷。慧。盤。折。蒸。動。

于微奧閑散之際。令讀者于途窮岸斷之頃。別有接人。真人人吞以五色卵矣。至如武帝本紀及龜策傳等篇。乃褚先生諸家雜續。

寧缺弗錄者。先生以此非太史公手筆。而其文又無足取焉耳。一力去之。尤爲快膽。余抱以寢食。三載于茲。其間磨對之本。無慮數

十餘輩。寫刻頗工。或者謂  
是足以報先生之命也矣。  
不知史記一書從來依文  
牽義之。夫泥爲銅垣。鍊壁  
格格焉。無所透入。耶。一。

穎田之資。偶有所得。旋奪  
于故老。已定之局。論而無  
所創解。以與世聰明奇特  
之士。互相觸發。今一經先  
生洗露其精神。將使宇內

有心人尊其識以通其類。日引月伸安必無更以。先生之未發而進與太史。公快對於千載之上是則。先生不言之隱而余垂刻。

之深意也。願與海內圖之。天啓乙丑菊月古吳沈國。元飛仲父書于大來堂。



史記目錄

第一卷

五帝本紀第一

黃帝

帝顓頊

帝嚳

帝堯

帝舜

第二卷

夏本紀第二

第三卷

殷本紀第三

第四卷

周本紀第四

第五卷

秦本紀第五

第六卷

始皇本紀第六

始皇帝

二世皇帝

第七卷

項羽本紀第七

第八卷

漢高祖本紀第八

第九卷

呂后本紀第九

第十卷

孝文本紀第十

第十一卷

孝景本紀第十一

第十二卷

孝武本紀第十二

第十三卷

三代世表第一

第十四卷

十二諸侯年表第二

第十五卷

六國年表第三

第十六卷

秦楚之際月表第四

第十七卷

漢興以來諸侯年表第五

第十八卷

高祖功臣侯者年表第六

第十九卷

惠景間侯者年表第七

第二十卷

建元以來侯者年表第八



第二十一卷

建元以來王子侯者年表第九

第二十二卷

漢興以來將相名臣年表第十

第二十三卷

禮書第一

第二十四卷

樂書第二

第二十五卷

律書第三

第二十六卷

曆書第四

第二十七卷

天官書第五

第二十八卷

封禪書第六

第二十九卷

河渠書第七

第三十卷

平準書第八

第三十一卷

吳太伯世家第一

第三十二卷

齊太公世家第二

第三十三卷

魯周公世家第三

第三十四卷

燕召公世家第四

第三十五卷

管蔡世家第五

管

蔡

曹

第三十六卷

陳杞世家第六

陳

杞

第三十七卷

衛康叔世家第七

第三十八卷

宋微子世家第八

第三十九卷

晉世家第九

第四十卷

楚世家第十

第四十一卷

越世家第十一

范蠡  
問

第四十二卷

鄭世家第十二

第四十三卷

趙世家第十三

第四十四卷

魏世家第十四

第四十五卷

韓世家第十五

第四十六卷

田敬仲完世家第十六

第四十七卷

孔子世家第十七

第四十八卷

陳涉世家第十八

第四十九卷

外戚世家第十九

呂太后

薄太后

竇太后

王太后

衛皇后

陳皇后以下附

王夫人

李夫人

第五十卷

楚元王世家第二十

楚元王交

趙王遂

第五十一卷

荆燕世家第二十一

荆王賈

燕王澤

第五十二卷

齊悼惠王世家第二十二

第五十三卷

蕭相國世家第二十三

第五十四卷

曹相國世家第二十四

第五十五卷

留侯世家第二十五

第五十六卷

陳丞相世家第二十六

附 王陵

第五十七卷

絳侯世家第二十七

附 條侯

第五十八卷

梁孝王世家第二十八

梁孝王武 濟川王明

濟東王彭離 山陽哀王定

濟陰哀王不識

第五十九卷

五宗世家第二十九

河間獻王德 臨川哀王闕于

臨川閔王榮 魯共王餘

江都易王非 膠西于王端

趙主彭祖 中山靖王勝

長沙定王發 廣川惠王越

膠東康王寄 清河哀王乘

常山憲王舜 淮定王平

第六十卷

三王世家第三十

齊王閔 燕王旦

廣陵王胥

第六十一卷

伯夷列傳第一

第六十二卷

管晏列傳第二

管仲

晏嬰

第六十三卷

老莊申韓列傳第三

老子

莊子

申不害

韓非

第六十四卷

司馬穰苴列傳第四

第六十五卷

孫子吳起列傳第五

第六十六卷

伍子胥列傳第六

第六十七卷

仲尼弟子列傳第七

第六十八卷

商君列傳第八

第六十九卷

蘇秦列傳第九

蘇代以下附  
蘇厲

第七十卷

張儀列傳第十

張儀

陳軫

公孫衍

第七十一卷

樛甲甘茂列傳第十一

樛甲

甘茂

甘羅

第七十二卷

穰侯列傳第十二

第七十三卷

白起王翦列傳第十三

第七十四卷

孟子荀卿列傳第十四

孟子

附 荀卿

淳于髡

慎到

鸛夷

荀卿

第七十五卷



孟嘗君列傳第十五

馮驩  
附

第七十六卷

平原君虞卿列傳第十六

第七十七卷

信陵君列傳第十七

第七十八卷

春申君列傳第十八

第七十九卷

范雎蔡澤列傳第十九

第八十卷

樂毅列傳第二十

第八十一卷

廉頗藺相如列傳第二十一

廉頗  
藺相如

趙奢  
趙括  
附

李牧

第八十二卷

田單列傳第二十二

附 王蠋

第八十三卷

魯仲連鄒陽列傳第二十三

第八十四卷

蘇賈五列傳第二十四

第八十五卷

呂不韋列傳第二十五

第八十六卷

刺客列傳第二十六

曹沫

專諸

豫讓

聶政

荊軻

第八十七卷

李斯列傳第二十七

第八十八卷

蒙恬列傳第二十八

蒙 毅

第八十九卷

張耳陳餘列傳第二十九

張敖  
附

第九十卷

魏豹彭越列傳第三十

第九十一卷

黥布列傳第三十一

第九十二卷

淮陰侯列傳第三十二

第九十三卷

韓王信盧綰列傳第三十三

韓王信  
盧綰

陳稀

第九十四卷

田儼列傳第九十四

田榮  
田橫  
以下附

第九十五卷

樊鄴列傳第三十五

樊噲

酈商

夏侯嬰

灌嬰

第九十六卷

張丞相列傳第三十六

張蒼

周昌

附 周苛

趙堯

任敖

申屠嘉

第九十七卷

酈生陸賈列傳第三十七

酈食其

陸賈

朱建

第九十八卷

傅靳蒯成列傳第三十八

傅寬

靳歙

周繇

第九十九卷

劉敬叔孫通列傳第三十九

第一百卷

李布樂布列傳第四十

第一百一卷

袁盎晁錯列傳第四十一

鄧公

第一百二卷

張釋之馮唐列傳第四十二

張釋之

馮唐

第一百三卷

萬石君張叔列傳第四十三

石奮

石建以下附石慶

衛綰

直不疑

周文

張叔

第一百四卷

田叔列傳第四十四

田千秋

第一百五卷

扁鵲倉公列傳第四十五

第一百六卷

吳王濞列傳第四十六

第一百七卷

魏其武安列傳第四十七

魏其侯  
武安侯

灌夫

第一百八卷

韓長孺列傳第四十八

第一百九卷

李將軍列傳第四十九

李陵  
附

第一百十卷

匈奴列傳第五十

第一百十一卷

衛將軍驃騎列傳第五十一

衛青

霍去病

公孫賀

李息

公孫敖

李沮

張次公

蘇建

趙信

張騫

李蔡

曹襄

韓該

郭昌

趙食其

荀彘

路博德

趙破奴

第一百十二卷

平津侯列傳第五十二

公孫弘

主父偃

徐樂以下附  
嚴安

第一百十三卷

南越列傳第五十三

南越王尉佗

蒼梧王趙光

第一百十四卷

東越列傳第五十四

第一百十五卷

朝鮮列傳第五十五

第一百十六卷

一西南夷列傳第五十六

第一百十七卷

司馬相如列傳第五十七

第一百十八卷

淮南衡山列傳第五十八

淮南厲王長 淮南王安

衡山王賜

第一百十九卷

相變列傳第五十九

孫叔敖 鄭子產

公儀休 石奢

李離

第一百二十卷

汲鄭列傳第六十

汲黯 鄭當時

第一百二十一卷

儒林列傳第六十一

申公 轅固生



韓生 伏生

董仲舒 胡毋生

取丘江  
主 附

第一百二十二卷

酷吏列傳第六十二

鄧都 審成

周陽曲 趙禹

張湯 義縱

王溫舒 尹齊

楊僕 減宣

杜周

第一百二十三卷

大宛列傳第六十三

大宛 烏孫

康居 奄蔡

大月氏 安息

條枝 大夏

第一百二十四卷

游俠列傳第六十四

魯朱家

荆孟附

郭解

第一百二十五卷

佞幸列傳第六十五

鄧通

韓嫣

李延年

第一百二十六卷

淳于髡

優孟

優旃

第一百二十七卷

日者列傳第六十七

第一百二十八卷

龜策列傳第六十八

第一百二十九卷

貨殖列傳第六十九

范蠡

計然

子貢

白圭

倚頓

烏氏

蜀卓氏

程鄭

宛孔氏

刁間

師史

任氏

第一百三十一卷

太史公自序第七十

史記目錄

畢

史記卷第一

五帝紀第一

禁 鍾惺 批評

黃帝者少典之子，姓公孫，名曰軒轅，生而神靈，弱而能言，幼而狗齊，長而敦敏，成而聰明。軒轅之時，神農氏世衰，諸侯相侵伐，暴虐百姓，而神農氏弗能征。於是軒轅乃習用干戈以征不享，諸侯咸來賓從，而蚩尤最爲暴，莫能伐。炎帝欲侵陵諸侯，諸侯咸歸軒轅，軒轅乃修德振兵，治

五氣、藝五種、撫萬民、度四方、教熊羆貔貅貙虎、  
以與炎帝戰于阪泉之野。三戰然後得其志。蚩  
蚩尤是古今別敵尤作亂不用帝命。於是黃帝乃徵師諸侯。與蚩  
尤戰於涿鹿之野。遂禽殺蚩尤。而諸侯咸尊軒  
轅爲天子。代神農氏。是爲黃帝。天下有不順者。  
黃帝從而征之。平者去之。披山通道。未嘗寧居。  
東至于海。登丸山及岱宗。西至于空桐。登鷄頭。  
南至于江。登熊湘。北逐葷粥。合符釜山。而邑于  
涿鹿之阿。遷徙往來無常處。以師兵爲營衛。官

名皆以雲命。爲雲師。置左右大監。監于萬國。萬  
國和而鬼神山川封禪。與爲多焉。獲寶鼎。迎日  
推策。舉風后力牧常先大鴻。以治民。順天地之  
紀。幽明之占。歿生之說。存亡之難。時播百穀。艸  
木淳化。鳥獸蟲蛾。列羅日月星辰。水波土石金  
玉。勞勤心力耳目。節用水火材物。有土德之瑞。  
故號黃帝。黃帝二十五子。其得姓者十四人。黃  
帝居軒轅之丘。而娶於西陵之女。是爲嫫祖。嫫  
祖爲黃帝正妃。生二子。其後皆有天下。其一曰

玄囂是爲青陽。青陽降居江水。其二曰昌意。降居若水。昌意娶蜀山氏女曰昌僕。生高陽。高陽有聖德焉。黃帝崩。葬橋山。其孫昌意之子高陽立。是爲帝顓頊也。

帝顓頊高陽者黃帝之孫而昌意之子也。靜淵以有謀。疏通而知事。養材以任地。載時以象天。俟鬼神以副義。治氣以教化。潔誠以祭祀。北至于幽陵。南至于交趾。西至于流沙。東至于蟠木。

動靜之物。外天之神。日月所照。莫不祗屬。帝顓

頊生子曰窮蟬。顓頊崩而玄囂之孫高辛立。是爲帝嚳。

帝嚳高辛者黃帝之曾孫也。高辛父曰蟠極。蟠極父曰玄囂。玄囂父曰黃帝。自玄囂與蟠極皆不得在位。至高辛即帝位。高辛於顓頊爲族子。高辛生而神靈。自言其名。普施利物。不於其身。聰以知遠。明以察微。順天之義。知民之急。仁而威惠。而信。修身而天下服。取地之財而節用之。撫教萬民而利誨之。曆日月而迎送之。明鬼神

而敬事之其色郁郁其德嶷嶷其動也時其服也士帝嚳灑執中而徧天下日月所照風雨所至莫不從服帝嚳娶陳鋒氏女生放勳娶嫫訾氏女生摯帝嚳崩而摯代立帝摯立不善崩而第放勳立是爲帝堯

帝堯者放勳其仁如天其知如神就之如日望之如雲富而不驕貴而不舒黃收純衣彤車乘白馬能明馴德以親九族九族旣睦便章百姓百姓昭明合和萬國乃命羲和敬順昊天數法

日月星辰敬授民時分命羲仲居郁夷日暘谷敬道日出便程東作日中星鳥以殷中春其民析鳥獸字微申命羲叔居南交便程南誡敬致日永星火以正中夏其民因鳥獸希革申命和仲居西土日昧谷敬道日入便程西成夜中星虛以正中秋其民夷易鳥獸毛毼申命合叔居北方日幽都便存伏物日短星昴以正中冬其民燠鳥獸氄毛歲三百六十六日以閏月正四時信飭百官衆功皆興堯曰誰可順此事放齊

和

曰嗣子丹朱蒲明堯曰吁頑凶不用堯又曰誰  
可者謹堯曰其工旁聚布功可用堯曰其工善  
言其用僻似茶漫天不可堯又曰嗟四嶽湯湯  
洪水滔天浩浩懷山襄陵下民其憂有能使治  
者皆曰鯀可堯曰鯀負命毀族不可嶽曰异哉  
試不可用而已堯於是聽嶽用鯀九歲功用不  
成堯曰嗟四嶽朕在位七十載汝能庸命踐朕  
位嶽應曰鄙德忝帝位堯曰悉舉貴戚及疏遠  
隱匿者衆皆言於堯曰有矜在民間曰虞舜堯

曰然朕聞之其何如嶽曰盲者子父頑耳瞶弟  
傲能和以孝烝烝治不至姦堯曰吾其試哉於  
是堯妻之二女觀其德於二女舜劬下二女於  
瀉酒如婦禮堯善之乃使舜慎和五典五典能  
從乃徧入百官百官時序賓於四門四門穆穆  
諸侯遠方賓客皆敬堯使舜入山林川澤暴風  
雷雨舜行不迷堯以爲聖召舜曰女謀事至而  
言可績三年矣女登帝位舜讓于德不擇正月  
上日舜受終於文祖文祖者堯大廟也於是帝

堯老命舜攝行天子之政以觀天命舜乃在璿  
璣玉衡以齊七政遂類于上帝禋于六宗望于  
山川辯于群神揖五瑞擇吉月日見四嶽諸牧  
班瑞歲二月東巡狩至於岱宗柴望秩于山川  
遂見東方君長合時月正日同律度量衡修五  
禮五玉三帛二生二斂爲摯如五器卒乃復五  
月南巡狩八月西巡狩十一月北巡狩皆如初  
歸至于祖禰廟用特牛禮五歲一巡狩肇后四  
朝徧告以言明試以功車服以庸肇十有二州

風流也

決川象以典刑濼宥五刑鞭作官刑扑作教刑  
金作贖刑眚哉過赦怙終賊刑欽哉欽哉惟刑  
之靜哉驩兜進言其工堯曰不可而試之工師  
共工果淫辟四嶽舉鯀治鴻水堯以爲不可嶽  
疆請試之試之而無功故百姓不便三苗在江  
淮荊州數爲亂於是舜歸而言於帝請流共工  
于幽陵以變北狄放驩兜於崇山以變南蠻遷  
三苗于三危以變西戎殛鯀於羽山以變東夷  
四臯而天下咸服堯立七十年得舜二十年而

此處說四罪者  
四變字有作用  
與孟子不同

史記

卷一

五帝紀

堯本紀



老令舜攝行天子之政，薦之於天。堯辟位凡二十八年而崩，百姓悲哀如喪父母。三年，四方莫舉樂以思堯。堯知子丹朱之不肖，不足授天下，於是乃權授舜。授舜則天下得其利，而丹朱病；授丹朱則天下病，而丹朱得其利。堯曰：終不以天下之病而利一人，而卒授舜以天下。堯崩三年之喪畢，舜讓辟丹朱於南河之南，諸侯朝覲者不之丹朱而之舜，獄訟者不之丹朱而之舜，誦歌者不謳歌丹朱而謳歌舜。舜曰：天也夫！而

後之中國踐天子位焉，是爲帝舜。

虞舜者，名曰重華。重華父曰瞽叟，瞽叟父曰橋牛，橋牛父曰句望，句望父曰敬康，敬康父曰窮蟬，窮蟬父曰帝顓頊，顓頊父曰昌意。以至舜七世矣。自從窮蟬以至帝舜，皆微爲庶人。舜父瞽叟，叟盲，而舜母死，瞽叟更娶妻而生象，象傲，瞽叟愛後妻子，常欲殺舜。舜避逃，及有小過，則受梟。順事父及後母與弟，日以篤謹，匪有懈。舜冀州之人也。舜耕歷山，漁雷澤，陶河濱，作什器於壽

丘就時於負夏舜父瞽叟頑母嚚弟象傲皆欲  
殺舜舜順適不失子道兄弟孝慈欲殺不可得  
即求常在側舜年二十以孝聞三十而帝堯問  
可用者四嶽咸薦虞舜曰可於是堯乃以二女  
妻舜以觀其內使九男與處以觀其外舜居媯  
汭內行彌謹堯二女不敢以貴驕事舜親戚甚  
有婦道堯九男皆益篤舜耕歷山歷山之人皆  
讓畔漁雷澤雷澤上人皆讓居陶河濱河濱器  
皆不苦窳一年而所居成聚二年成邑三年成

都堯乃賜舜絺衣與琴爲築倉廩予牛羊瞽叟  
尚復欲殺之使舜上塗廩瞽叟從下縱火焚廩  
舜乃以兩笠自扞而下去得不死後瞽叟又使  
舜穿井舜穿井爲匿空窈出舜既入深瞽叟與  
象共下土實井舜從匿空出去瞽叟象喜以舜  
爲已死象曰本謀者象象與其父母分於是曰  
舜妻堯二女與琴象取之牛羊倉廩予父母象  
乃止舜宮居鼓其琴舜往見之象鄂不懌曰我  
思舜正鬱陶舜曰然爾其庶矣舜復事瞽叟愛

第彌謹於是堯乃試舜五典百官皆治管高陽氏有才子八人世得其利謂之八愷高辛氏有才子八人世謂之八元此十六族者世濟其美不隕其名至於堯堯未能舉舜舉八愷使主后土以揆百事莫不時序舉八元使布五教于四方父義母慈兄友弟恭子孝內平外成管帝鴻氏有不才子掩義隱賊好行凶慝天下謂之渾沌少皞氏有不才子毀信惡忠崇飾惡言天下謂之窮奇顓頊氏有不才子不可教訓不知詬

言天下謂之檇杌此三族世憂之至于堯堯未能去緡雲氏有不才子貪於飲食冒于貨賄天下謂之饕餮天下惡之比之三凶舜賓于四門乃流四凶族遷于四裔以御魍魎於是四門辟言母凶人也舜入于大麓烈風雷雨不迷堯乃知舜之足授天下堯老使舜攝行天子政巡狩舜得舉用事二十年而堯使攝政攝政八年而堯崩三年喪畢讓丹朱天下歸舜而禹臯陶契后稷伯夷夔龍仲益彭祖自堯時而皆舉用未

有分職。於是舜乃至於文祖，謀於四嶽，辟四門，明通四方耳目。命十二牧論帝德行，厚德遠佞，人則蠻夷率服。舜謂四嶽曰：有能奮庸美堯之事者，使居官相事。皆曰：伯禹爲司空，可美帝功。舜曰：然。嗟，禹，汝平水土，維是勉哉。禹拜稽首，讓於稷、契與臯陶。舜曰：然，往矣。舜曰：棄黎民始飢，汝后稷播時百穀。舜曰：契，百姓不親，五品不馴，汝爲司徒，而敬敷五教。在寬。舜曰：臯陶，蠻夷猾夏，寇賊姦軌，汝作士，五刑有服，五服三就，五流

有度，五度三居，維明能信。舜曰：誰能馴予工，皆曰：垂可。於是以垂爲其工。舜曰：誰能馴予卜，皆曰：巫目。於是以巫目爲其巫。舜曰：誰能馴予農，皆曰：益可。於是以益爲朕虞。益拜稽首，讓於諸臣。來，虎、熊、羆、貔，舜曰：往矣。汝諧，遂以朱虎、熊羆爲佐。舜曰：嗟，四嶽，有能典朕三禮，皆曰：伯夷可。舜曰：嗟，伯夷，以汝爲秩宗，夙夜維敬，直哉，維靜潔。伯夷讓夔、龍。舜曰：然，以夔爲典樂，教

意歌長言，聲依永律，和聲八音，能諧，毋相奪倫。

神人以和。夔曰：於予擊石拊石，百獸率舞。舜曰：龍朕畏忌，讒說殄偽，振驚朕衆，命汝爲納言。夙夜出入朕命，惟信。舜曰：嗟女，二十有二人，敬哉！惟時相天事，三歲一考功，三考黜陟，遠近衆功，咸與分比。三苗，此二十二，人咸成厥功。皐陶爲大理，平民各伏，得其實。伯夷主禮，上下咸讓，垂主工師，百工致功，益主虞，山澤辟，棄主稷，百穀時茂，契主司徒，百姓親和，龍主賓客，遠人至，十二牧行而九州莫敢辟違，唯禹之功爲大，披九

山通九澤，決九河，定九州，各以其職來貢，不失厥宜，方五千里。至于荒服，南撫交趾，北發西戎，析枝渠廋，氏羌北山，戎發息慎，東長島夷，四海之內，咸戴帝舜之功。於是禹乃興九招之樂，致異物，鳳皇來翔，天下明德，皆自虞帝始。舜年二十，以孝聞，年三十，堯舉之，年五十，攝行天子事，年五十八，堯崩，年六十一，代堯踐帝位，踐帝位三十九年，南巡狩崩於蒼梧之野，葬於江南九疑，是爲零陵。舜之踐帝位，載天子旗，往朝父瞽

史夔夔唯謹如子道封第象爲諸侯舜子商均亦不肖舜乃豫薦禹於天十七年而崩三年喪畢禹亦乃讓舜子如舜讓堯子諸侯歸之然後禹踐天子位堯子丹朱舜子商均皆有疆土以奉先祀服其服禮樂如之以容見天子天子弗臣示不敢專也此下皆太史公國彌以章明德故黃帝爲有熊帝顓頊爲高陽帝嚳爲高辛帝堯爲陶唐帝舜爲有虞帝禹爲夏后而別氏姓姒氏契爲商姓子氏棄爲周姓

姬氏

太史公曰學者多稱五帝尚矣然尚書獨載堯以來而百家言黃帝其文不雅馴薦紳先生難言之孔子所傳宰予問五帝德及帝繫姓儒者或不傳余嘗西至空峒北過涿鹿東漸於海南浮江淮矣至長老皆各往往稱黃帝堯舜之處風教固殊焉總之不離古文者近是予觀春秋國語其發明五帝德帝繫姓章矣顧第弗深考其所表見皆不虛書缺有間矣其軼乃時時見

於他說非好學深思心知其意固難爲淺見寡聞道也。余并論次擇其言尤雅者故著爲本紀書首。五帝本紀贊不作一了語其一段傳疑不敢自信之意往往於運筆虛活承轉處見之。字字是若存若亡光景使人讀未終而先得之。其引證原委又似歷歷有據正其不敢自信處蓋多聞而後能闕疑多見而後能闕始也。好學深思心知其意是作史之本擇其言尤雅者是作史之法一部史記要領盡此矣。

史記卷第一

史記卷第二

楚 鍾惺 批評

夏本紀二

夏禹名曰文命禹之父曰鯀鯀之父曰顓頊顓頊之父曰昌意昌意之父曰黃帝禹者黃帝之玄孫而帝顓頊之孫也禹之曾大父昌意及父鯀皆不得在帝位爲人臣當帝堯之時鴻水滔天浩浩懷山襄陵下民其憂堯求能治水者羣臣四嶽皆曰鯀可堯曰鯀爲人負命毀族不

可。四嶽曰等之。未有賢於鯀者。願帝試之。於是  
堯聽四嶽。用鯀治水。九年而水不息。功用不成。  
於是帝堯乃求人。更得舜。舜登用。攝行天子之  
政。巡狩。行視鯀之治水。無狀。乃殛鯀於羽山。以  
殛天下。皆以舜之誅爲是。於是舜舉鯀子禹。而  
使續鯀之業。堯崩。帝舜問四嶽曰。有能成美堯之  
之事者。使居官。皆曰。伯禹爲司空。可成美堯之  
功。舜曰。嗟。然命禹。平水土。維是勉之。禹拜稽  
首。讓于契。后稷。皋陶。舜曰。汝其勉。視爾事矣。禹

曰。聖成大功  
上。有不從也。思  
也。

爲人。敏給克勤。其德不遠。其仁可親。其言可信。  
聲爲律。身爲度。稱以出。登。登。穆。穆。爲綱。爲紀。禹  
乃遂與益。后稷。奉帝命。命諸侯。百姓。與人。徒。以  
傳土。行山。表木。定高山。大川。禹陽。先人。父。鯀。功  
之。不。成。受。誅。乃。勞。身。焦。思。居。外。十。三。年。過。家。門  
不。敢。入。薄。衣。食。致。孝。于。鬼神。卑。宮。室。致。費。於。溝  
澮。陸。行。乘。車。水。行。乘。船。泥。行。乘。橈。山。行。乘。轡。左  
準。繩。右。規。矩。載。四。時。以。開。九。州。通。九。道。陂。九。澤。  
度。九。山。令。益。予。衆。庶。稻。可。種。卑。濕。命。后。稷。予。衆



禹貢無述

禹貢是大地一  
總記也

蕪葭也條  
長也

雜書

庶難得之食，食少調有餘，相給以均。諸侯禹乃  
行，相地宜，所有以貢。及山川之便利，禹行自冀  
州，始冀州既載，壺口治，梁及岐既修，太原至于  
嶽陽，覃懷致功，至於衡漳，其上白壤，賦上上錯，  
田中中，常衛既從，大陸既爲，島夷皮服，夾右碣  
石入于海，濟河維沅州，九河既道，雷夏既澤，雍  
沮會同，桑土既蠶，於是民得下，丘居士，其土黑  
墳，草繇木條，田中下，賦貞，作十有三年，乃同，其  
其貢漆絲，其筐織文，浮于濟，漂暹于河，海岱維清

言桑蠶絲

包書最生也

最古蠶字也  
又與也

州，嵎夷既略，濰淄既道，其土白墳，海濱廣鴻，賦  
田斥鹵，田上下，賦中上，厥貢鹽絺，海物維錯，岱  
畎絲枲，鉛松怪石，萊夷爲牧，其篚膚絲，浮於汶，  
通於濟，海岱及淮，維徐州，淮沂其治，蒙羽其藝，  
大野既都，東原底平，其土赤埴墳，艸木漸包，其  
田土中，賦中中，貢維土五色，羽畎夏翟，陽孤  
桐，泗濱浮磬，淮夾墳珠，泉魚其篚，玄織纁，浮于  
淮，泗通于河，淮海維揚州，彭蠡既都，陽鳥所居，  
三江既入，震澤致定，竹箭既布，其艸惟夭，其木

夏紀

物譜曰拾抽

枕十四木名  
礪十四石名

惟喬其土塗泥田下下賦下上上雜貢金三品  
瑤琨竹箭齒革羽毛鳥夷卉服其篚織具其包  
橘袖錫貢均江海通淮泗荆及衡陽雜荆州江  
漢朝宗于海九江其中沱涔已道雲土夢為治  
其土塗泥田下中賦上下貢羽旄齒革金三品  
枕榦栝柏礪砥砮丹雜籥簨楛三國致貢其名  
包匭菁茅其篚玄纁璣組九江入賜大龜浮於  
江沱涔於漢踰於雒至于南河荆河惟豫州伊  
雒漣澗既入于河榮播既都道荷澤被明都其

壚疏也

旅祭山名

禮三書錄則也

土壤下土墳壚田中上賦雜上中貢漆絲絺紵  
其篚織絮錫貢磬錯浮於雒達於河華陽黑水  
惟梁州汶嶧既蕪沱涔既道蔡蒙旅平和夷底  
績其土青驪田下上賦下中三錯貢璆鐵銀鏤  
砮磬熊羆狐狸織皮西傾因桓是來浮于潛踰  
于沔入于渭亂于河黑水西河惟雍州弱水既  
西涇屬渭納漆沮既從澧水所同荆岐已旅終  
南敦物至于鳥鼠原隰底績至于都野三危既  
度三苗大序其土黃壤田上上賦中下貢璆琳

琅玕浮于積石。至於龍門西河會于渭汭。織皮  
昆侖析支渠搜西戎即序道九山。汧及岐。至于  
荆山。踰于河壺口雷首。至于太嶽。砥柱析城。至  
于王屋。太行常山。至于碣石。入于海。西傾朱圉  
鳥鼠。至于太華。熊耳。外方桐柏。至于負尾。道嶓  
冢。至于荆山。內方。至于大別。汶山之陽。至于衡  
山。過九江。至于敷淺原。道九川。弱水。至于合黎。  
餘波入于流沙。道黑水。至于三危。入于南海。道  
河積石。至于龍門。南至華陰。東至砥柱。又東至

播布也

遮蓋也

于盟津。東過絳汭。至于大邳。北過降水。至于大  
陸。北播爲九河。同爲逆河。入于海。嶓冢道潏。東  
流爲漢。又東爲蒼浪之水。過三澨。入于大別。南  
入于江。東離澤爲彭蠡。東爲北江。入于海。汶山  
道江。東別爲汶。又東至于醴。過九江。至于東陵。  
東迤北會于隴。東爲中江。入于海。道沅水。東爲  
濟。入于河。洸爲滎。東出陶丘北。又東至于荷。又  
東北會于汶。又東北入于海。道淮。自桐柏。東會  
于泗。沂。東入于海。道渭。自鳥鼠同穴。東會于澧。

總本與日

銜根木紐也  
粘裏也

又東北至于涇，東過漆沮，入于河，道維自熊耳，東北會于澗，灑又東會于伊，東北入于河，於是九州攸同，四奧既居，九山羣族，九川滌原，九澤既陂，四海會同，六府甚修，衆士交正，致慎財賦，咸則三壤，成賦中國，賜士姓，祇台德先，不距朕行，令天子之國以外五百里甸服，百里賦納總，二百里納銍，三百里納秸服，四百里粟，五百里米，甸服外五百里侯服，百里采，二百里任國，三百里諸侯，侯服外五百里綏服，三百里揆文，

在歌美之辭

二百里奮武衛，綏服外五百里要服，三百里夷，二百里蔡，要服外五百里荒服，三百里蠻，二百里流，東漸于海，西被于流沙，朔南暨，聲教訖于四海，於是帝錫禹玄圭，以告成功于天下，天下於是太平治，臯陶作士以理民，帝舜朝，禹伯夷，臯陶相與語帝前，臯陶述其謀曰：信其道德，謀明輔和，禹曰：然，如何？臯陶曰：於慎其身，修思長敦序九族，衆明高翼，近可遠在，已。禹拜美言曰：然，臯陶曰：於在知人，在安民，禹曰：吁，皆若是，惟

夏紀

未事也  
翁台也

帝其難之。知人則智能，官人能安民則惠，黎民懷之，能知能惠，何憂乎讎讒？何遷乎有苗？何畏乎巧言善色佞人？皋陶曰：然。於亦行有九德，亦言其有德，乃言曰：始事事，寬而栗，柔而立，愿而共，治而敬，擾而毅，直而溫，簡而廉，剛而實，彊而義，章其有常，吉哉！日宣三德，蚤夜翊明，有家，日嚴振敬，六德亮采，有國，翁愛普施，九德咸事，俊乂在官，百吏肅謹，毋教邪淫，奇謀非其人，居其官，是謂亂天事，天討有罪，五刑五用哉。吾口

可行乎？禹曰：女言致可，績行。皋陶曰：余未有知，思贊道哉。帝舜謂禹曰：汝亦昌言。禹拜曰：於予何言？予思日孳孳，臯陶難禹曰：何謂孳孳？禹曰：鴻水滔天，浩浩懷山襄陵，下民皆服於水，予陸行乘車，水行乘舟，泥行乘屨，山行乘櫟，行山乘木，與益予衆，應稻鮮食，以決九川，致四海，浚畎澗，致川與稷予衆，庶難得之食，食少，調有餘，補不足，徙居衆民，乃定。萬國爲治，臯陶曰：然。此而美也。禹曰：於帝慎乃在位，安爾止，輔德天下。

大應清意，以昭待上帝命。天其重命，用休。帝曰：吁！臣哉！臣哉！臣作朕股肱耳目。予欲左右有民，女輔之。余欲觀古人之象，日月星辰，作文繡服，色，女明之。予欲聞六律五聲八音，來始滑，以出入五言，女聽。予即辟女匡拂予，女無面諛，退而謫予。敬四輔臣，諸衆讒嬖臣，君德誠施，皆清矣。禹曰：然！帝即不時，布同善惡，則毋功。帝曰：毋若丹朱，傲，維慢游，是好，毋水行舟，朋淫于家，用絕其世。予不能順，是禹曰：予辛壬娶塗山，癸甲生

啓，予不子，以故能成水之功，輔成五服。至于五千里，州十二師，外薄四海，咸建五長，各道有功。苗頑不即功，帝其念哉。帝曰：道吾德，乃女功序之也。臯陶於是敬禹之德，令民皆則禹，不如言，刑從之。舜德大明，於是夔行樂，祖考至，羣后相讓，鳥獸翔舞，簫韶九成，鳳皇來儀，百獸率舞，百官信諧。帝用此作歌曰：陟天之命，維時維幾，乃歌曰：股肱喜哉，元首起哉，百工熙哉。臯陶拜手稽首，揚言曰：念哉，率爲興事，慎乃憲，敬哉，乃更

爲歌曰元首明哉股肱良哉庶事康哉舜又歌曰元首叢脞哉股肱惰哉萬事墮哉帝拜曰然往欽哉於是天下皆宗禹之明度數聲樂爲山川神主帝舜薦禹於天爲嗣十七年而帝舜崩三年喪畢禹辟舜之子商均於陽城天下諸侯皆去商均而朝禹禹於是遂即天子位南面朝天下國號曰夏后姓姒氏帝禹立而舉臯陶薦之且授政焉而臯陶卒封臯陶之後於英六或

在書舜后舉益任之政十年帝禹東巡狩至

會稽而崩以天下授益七年之喪畢益讓帝禹之子啓而辟居箕山之陽禹子啓賢天下屬意焉及禹崩雖授益益之佐禹目淺天下未洽故諸侯皆去益而朝啓曰吾君帝禹之子也於是啓遂即天子之位是爲夏后帝啓夏后帝啓禹之子其母塗山氏之女也有扈氏不服啓伐之大戰於甘將戰作甘誓乃召六卿申之啓曰嗟六事之人予誓告女有扈氏威侮五行怠棄三正天用勦絕其命今予維其行天之罰左不攻

于左右不攻于右女不其命御非其馬之政女  
不其命用命賞于祖不用命僇于社予則絜僇  
汝遂滅有扈氏天下咸朝夏后帝啓崩子帝太  
康立帝太康失國昆弟五人須于洛泗作五子  
之歌太康崩弟中康立是爲帝中康帝中康時  
羲和酒淫廢時亂日胤徃征之作胤征中康崩  
子帝相立帝相崩子帝少康立帝少康崩子帝  
予立帝予崩子帝槐立帝槐崩子帝芒立帝芒  
崩子帝泄立帝泄崩子帝不降立帝不降崩弟

帝禘立帝扁崩子帝廛立帝廛崩立帝不降之  
子孔甲是爲帝孔甲帝孔甲立好方鬼神事淫  
亂夏后氏德衰諸侯畔之大降龍二有雌雄孔  
甲不能食未得參龍氏陶唐既衰其後有劉累  
學擾龍于豢龍氏以事孔甲孔甲賜之姓曰御  
龍氏受豕韋之後龍一雌歿以食夏后夏后使  
求懼而遷去孔甲崩子帝皐立帝皐崩子帝發  
立帝發崩子帝履癸立是爲桀帝桀之時自孔  
甲以來而諸侯多畔夏桀不務德而武傷百姓



百姓弗堪乃召湯而囚之夏臺已而釋之湯修德諸侯皆歸湯湯遂率兵以伐夏桀桀走鳴條遂放而歿桀謂人曰吾悔不遂殺湯於夏臺使至此湯乃踐天子位代夏朝天下湯封夏之後至周封於祀也

太史公曰禹爲姒姓其後分封用國爲姓故有夏后氏有扈氏有男氏斟尋氏彤城氏褒氏費氏杞氏緄氏辛氏冥氏斟氏戍氏孔子正夏時學者多傳夏小正云自虞夏時貢賦備矣或言

禹會諸侯江南計功而崩因葬焉命曰會稽會稽者會計也

史記卷第三  
 殷契母曰簡狄有娥氏之女為帝嚳次妃三人  
 行浴見玄鳥墮其卵簡狄取吞之因孕生契契  
 長而佐禹治水有功帝舜乃命契曰百姓不親  
 五品不訓汝為司徒而敬敷五教五教在寬封  
 於商賜姓子氏契興於唐虞大禹之際功業著  
 於百姓百姓以平契卒子昭明立昭明卒子相

史記卷第三

殷本紀三

楚 鍾惺 批評

史記 卷三 殷本紀

土立相士卒子昌若立昌若卒子曹圉立曹圉  
卒子箕立箕卒子振立振卒子微立微卒子報  
丁立報丁卒子報乙立報乙卒子報丙立報丙  
卒子主壬立主壬卒子主癸立主癸卒子天乙  
立是爲成湯成湯自契至湯八遷湯始居亳從  
先王居作帝誥湯征諸侯葛伯不祀湯始伐之  
湯曰予有言人視水見形視民知治不伊尹曰  
明哉言能聽道乃進君國子民爲善者皆任王  
官勉哉勉哉湯曰汝不能敬命予大罰殛之無

有攸赦作湯征伊尹名阿衡阿衡欲干湯而無  
由乃爲有莘氏媵臣負鼎俎以滋味說湯致干  
王道或曰伊尹處士湯使人聘迎之五反然後  
肯往從湯言素王及九主之事湯舉任以國政  
伊尹去湯適夏旣醜有夏復歸于亳入自北門  
遇女鳩女房作女鳩女房湯出見野張網四面  
祝曰自天下四方皆入吾網湯曰嘻盡之矣乃  
去其三面祝曰欲左左欲右右不用命乃入吾  
網諸侯聞之曰湯德至矣及禽獸當是時夏桀

史記 卷三  
為虐政淫荒而諸侯昆吾氏為亂湯乃興師率諸侯伊尹從湯湯自把鉞以伐昆吾遂伐桀湯曰格汝眾庶來女委聽朕言匪台小子敢行舉亂有夏多罪予維聞女眾言夏氏有罪予畏上帝不敢不正今夏多罪天命殛之今女有眾女曰我君不恤我眾舍我嗇事而割政女其曰有罪其奈何夏王率止眾力率奪夏國有眾率怠不和曰是日何時喪予與女皆亡夏德若茲今朕必徃爾尚及予一人致天之罰予其大理女

女毋不信朕不食言女不從誓言予則帑僇女無有攸赦以告令師作湯誓于是湯曰吾甚武號曰武王桀敗於有娥之虛桀奔於鳴條夏師敗績湯遂伐三變俘厥寶玉義伯仲伯作典寶湯既勝夏欲遷其社不可作夏社伊尹報於是諸侯畢服湯乃踐天子位平定海內湯歸至於泰卷陶中黜作誥既緝夏命還亳作湯誥維三月王自至于東郊告諸侯羣后母不有功於民勤力乃事予乃大罰殛女毋予怨曰古禹臯陶

久勞於外其有功乎民民乃有安東爲江北爲  
濟西爲河南爲淮四瀆已修萬民乃有居后稷  
降播農殖百穀三公咸有功于民故后有立昔  
蚩尤與其大夫作亂百姓帝乃弗予有狀先王  
言不可不勉曰不道母之在國女毋我怨以令  
諸侯伊尹作咸有一德咎單作明居湯乃改正  
朔易服色上白朝會以晝湯崩太子太丁未立  
而卒於是乃立太丁之弟外丙是爲帝外丙帝  
外丙即位三年崩立外丙之弟仲壬是爲帝中

壬帝中壬即位四年崩伊尹乃立太丁之子太  
甲太甲成湯適長孫也是爲帝太甲帝太甲元  
年伊尹作伊訓作肆命作徂后帝太甲既立三  
年不明暴虐不遵湯法亂德於是伊尹放之於  
桐宮三年伊尹攝行政當國以朝諸侯帝太甲  
居桐宮三年悔過自責反善於是伊尹乃迎帝  
太甲而授之政帝太甲修德諸侯咸歸殷百姓  
以寧伊尹嘉之乃作太甲訓三篇褒帝太甲稱  
太宗太宗崩子沃丁立帝沃丁之時伊尹卒既

葬伊尹于亳。咎單遂訓伊尹事。作沃丁。沃丁崩。弟太庚立。是爲帝太庚。帝太庚崩。子帝小甲立。帝小甲崩。弟雍巳立。是爲帝雍巳。殷道衰。諸侯或不至。帝雍巳崩。弟太戊立。是爲帝太戊。帝太戊立。伊陟爲相。亳有祥桑穀。其生於朝。一暮大拱。帝太戊懼。問伊陟。伊陟曰。臣聞妖不勝德。帝之政。其有關與。帝其修德。太戊從之。而祥桑枯。妖而去。伊陟贊言於巫咸。巫咸治王家有成。作咸。艾作太戊。帝太戊贊伊陟于廟。言弗臣。伊陟

弟

讓作原命。殷復興。諸侯歸之。故稱中宗。中宗崩。子帝仲丁立。帝仲丁遷于澠。河亶甲居相。祖乙遷于邢。帝仲丁崩。帝外壬立。是爲帝外壬。仲丁書闕不具。帝外壬崩。弟河亶甲立。是爲帝河亶甲。河亶甲時。殷復衰。河亶甲崩。子帝祖乙立。帝祖乙立。殷復興。巫咸任職。祖乙崩。子帝祖辛立。帝祖辛崩。弟沃甲立。是爲帝沃甲。帝沃甲崩。立沃甲兄祖辛之子祖丁。是爲帝祖丁。帝祖丁崩。立弟沃甲之子南庚。是爲帝南庚。帝南庚崩。立

帝祖丁之子陽甲是爲帝陽甲帝陽甲之時殷衰自中丁以來廢適而更立諸弟子弟子或爭相代立比九世亂於是諸侯莫朝帝陽甲崩弟盤庚立是爲帝盤庚帝盤庚之時殷已都河北盤庚渡河南復居成湯之故居乃五遷無定處殷民咨胥皆怨不欲徙盤庚乃告諭諸侯大臣曰昔高后成湯與爾之先祖俱定天下法則可修舍而弗勉何以成德乃遂涉河南治亳行湯之政然後百姓由寧殷道復興諸侯來朝以其

遵成湯之德也帝盤庚崩弟小辛立是爲帝小辛帝小辛立殷復衰百姓思盤庚乃作盤庚三篇帝小辛崩弟小乙立是爲帝小乙帝小乙崩子帝武丁立帝武丁即位思復興殷而未得其佐三年不言政事決定於冢宰以觀國風武丁夜夢得聖人名曰說以夢所見視羣臣百吏皆非也於是乃使百工營求之野得說於傅險中是時說爲胥靡築於傅險見於武丁武丁曰是也得而與之語果聖人舉以爲相殷國大治故

遂以傳險姓之號曰傳說帝武丁祭成湯明日有飛雉登鼎耳而鳴武丁懼祖己曰王勿憂先修政事祖己乃訓王曰唯天監下典厥義降年有永有不永非天天民中絕其命民有不若德不聽罪天既附命正厥德乃曰其奈何嗚呼王嗣敬民罔非天繼常祀母禮于弃道武丁修政行德天下咸驩殷道復興帝武丁崩子帝祖庚立祖己嘉武丁之以祥雉爲德立其廟爲高宗遂作高宗彤日及訓帝祖庚崩弟祖甲立是爲

帝甲帝甲淫亂殷復衰帝甲崩子帝廩辛立帝廩辛崩弟庚丁立是爲帝庚丁帝庚丁崩子帝武乙立殷復去亳徙河北帝武乙無道爲偶人謂之天神與之博令人爲行天神不勝乃僂辱之爲革囊盛血仰而射之命曰射天武乙獵於河渭之間暴雷武乙震歿子帝太丁立帝太丁崩子帝乙立帝乙立殷益衰帝乙長子曰微子啓啓母賤不得嗣少子辛辛母正后辛爲嗣帝乙崩子辛立是爲帝辛天下謂之紂帝紂資辨



捷疾聞見甚敏材力過人手格猛獸知足以拒  
諫言足以飾非矜人臣以能高天下以聲以爲  
皆出已之下好酒淫樂嬖於婦人愛妲己妲己  
之言是從於是使師涓作新淫聲北里之舞靡  
靡之樂厚賦稅以實鹿臺之錢而盈鉅橋之粟  
益收狗馬奇物充仞宮室益廣沙丘苑臺多取  
野獸黃鳥置其中慢於鬼神大最樂戲於沙丘  
以酒爲池縣肉爲林使男女僕相逐其間爲長  
夜之飲百姓怨望而諸侯有畔者於是紂乃重

辟刑有炮烙之法以西伯昌九侯鄂侯爲三公  
九侯有好女入之紂九侯女不喜淫紂怒殺之  
而醢九侯鄂侯爭之彊辨之疾并脯鄂侯西伯  
昌聞之竊歎崇侯虎知之以告紂紂囚西伯姜  
里西伯之臣闕天之徒求美女奇物善馬以獻  
紂紂乃赦西伯西伯出而獻洛西之地以請除  
炮烙之刑紂乃許之賜弓矢斧鉞使得征伐爲  
西伯而用費中爲政費中善諛好利殷人弗覲  
紂又用惡來惡來善毀讒諸侯以此益疏西伯

史記 卷三十一 殷紀 八

歸乃陰修德行善諸侯多叛紂而往歸西伯西伯滋大紂由是稍失權重王子比干諫弗聽商容賢者百姓愛之紂廢之及西伯伐飢國滅之紂之臣祖伊聞之而咎周恐奔告紂曰天既訖我殷命假人元龜無敢知吉非先王不相我後人維王淫虐用自絕故天弃我不有安食不虞知天性不迪率典今我民罔不欲喪曰天曷不降威大命胡不至今王其奈何紂曰我生不有命在天乎祖伊反曰紂不可諫矣西伯既卒周

武王之東伐至盟津諸侯叛殷會周者八百諸侯皆曰紂可伐矣武王曰爾未知天命乃復歸紂愈淫亂不止微子數諫不聽乃與大師少師謀遂去比干曰爲人臣者不得以死爭乃強諫紂紂怒曰吾聞聖人心有七竅剖比干觀其心箕子懼乃詳狂爲奴紂又囚之殷之太師少師乃持其祭樂器奔周周武王于是遂率諸侯伐紂紂亦發兵距之牧野甲子日紂兵敗紂走入登鹿臺衣其寶玉衣赴火而死周武王遂斬

紂頭縣之白旗殺妲己釋箕子之囚封比干之墓表商容之閭封紂子武庚祿父以續殷祀令脩行盤庚之政殷民大說于是周武王爲天子其後世貶帝號號爲王而封殷後爲諸侯屬周周武王崩武庚與管叔蔡叔作亂成王命周公誅之而立微子於宋以續殷後焉

太史公曰余以頌次契之事自成湯以來采於書詩契爲子姓其後分封以國爲姓有殷氏宋氏宋氏空桐氏稚氏北殷氏晉夷氏孔子曰殷各車爲善而色尚白



